

SHWBIZ KLIP

BON DIA



Diabierna ultimo

Un ambiente total ta loke tabatin na Mardigra Street Party

ORANJESTAD - Diabierna ultimo tabatin e Mardigra Street Party den Weststraat, den pleno Hot Zone unda cu sigur por señalá cu e tabata un éxito total. Un anochi cu tabata sigur algo diferente ya cu cada ken tabata bay unda nan banda preferi tabata toca. E anochi a habri cu Dushi band riba e North Stage mientras cu n'e South Stage Le Groove tabata animando e anochi,

y asina e anochi a sigui cu e presentacion di Robert J'dor n'e North Stage y NBO tabata n'e South stage dilanti di Sr. Frogs. Y pa mey anochi e atraccion principal di e anochi tabata Academy Brass cu a reuni despues di 15 aña cu a presenta un señor show cu grupo di bail, limbo show, coreografia, animacion y un repertorio cu tur hende tabata baila, canta y grita di alegría.




Continúa B/19

SHWBIZ KLIP

BON DIA



Continuacion di B/18



Un anochi cu en realidad nan a muestra cu 15 aña no a pasa y cu nan ta keda e reynan di tur tempo, di otro un banda loke Academy Brass a logra den tempo record di 9 dia di ensayo ta fenomenal pa loke nan a presenta diabierna anochi. Un publico grandicimo a ricibinan man habri riba e anochi ey di Mardigras Street Party.

Impak y 2 Sweet a percura pa un bon ambiente n'e Routh stage lagando tur hende sinti e berdadero swing di carnaval y

sin laga'fo Tsunami cu tabata fulminante n'e North Stage, mientras cu BMW plus tabata den Café Bahia temblando e edificio.

Youth Xtreme ta esnan cu a sera e anochi c'un repertorio basta pisa animando tur esnan cu tabata nan dilanti cu porcierto tabata masha hopi hende mes.

Sin duda algun cu e prome edicion di Mardigras Street Party tabata un exito total supasando tur expectativa. Den

e vision di e organisadornan ainda mester wak kico tur ta e cosnan cu por ser perfecciona, sin duda cu tin espacio pa perfeccion algun detaye. Por lo general mester bisa si, cu e concepto aki di Mardigras Street tabata algo diferente cu lo sigui anualmente y esey nos lectornan lo pot tin esaki pa sigur. Riba e combinacion di foto nos ilustra un parti chikito di e ambiente cu tabatin riba e anochi di Mardigras Street Party...mas den siman nos lo sigui amplia riba e evento aki.

